

შპს MB Quest ჯორჯია

ფინანსური ანგარიშგება


2022 წლის 31 დეკემბერს დასრულებული წლისთვის

შპს MB Quest ჯორჯია
ს.კ. 405003954

ფინანსური მდგომარეობა


ფინანსური მდგომარეობა	შენიშვნა	31/12/2022	31/12/2021	31/12/2020
ფულადი სახსრები და მათი ეკვივალენტები	5	70869	40086	14091
სავაჭრო და სხვა მოთხოვნები	6	1188594	1062661	1001550
სხვა პირებზე ავანსებად და სესხებად გაცემული ფულადი სახსრები	7	11524	12130	13417
მარაგები				0
შზა პროდუქცია				0
სხვა				0
საინვესტიციო ქონება				0
სხვა მოკლევადიანი აქტივები		3446	19	68
ბიოლოგიური აქტივები				0
თვითღირებულების მოდელით				0
გადაფასების მოდელით				0
გუდვილი				0
სხვა არამატერიალური აქტივები				0
ძირითადი საშუალებები	8	62092	75985	65751
ინვესტიციები შვილობილ კომპანიებში				0
ინვესტიციები სხვა საწარმოთა წილობრივ ინსტრუმენტებში				0
სხვა გრძელვადიანი აქტივები				0
სულ აქტივები		1336525	1190881	1094877
ვალდებულებები				
საიჯარო ვალდებულება				0
სავაჭრო ვალდებულებები		417	219	205
ანარიცხები	9	368720	310983	332221
ვალდებულებები თანამშრომელთა მიმართ	9			0
საგადასახადო ვალდებულებები		21	217	28
გამოუმუშავებელი შემოსავალი				0
მოკლევადიანი ნასესხები სახსრები				0
გრძელვადიანი ნასესხები სახსრები				0
მიღებული გრანტები				0
სხვა ვალდებულებები	10	92003	75213	57653
სულ ვალდებულებები		461161	386632	390107
საკუთარი კაპიტალი				
სააქციო კაპიტალი (შპს-ს შემთხვევაში 'კაპიტალი', კოოპერატივის შემთხვევაში 'საპაიო კაპიტალი')	11	136160	136160	136160
საემისიო შემოსავალი				0
გამოსყიდული საკუთარი აქციები				0
გაუნაწილებელი მოგება / (დაგროვილი ზარალი)	11	739204	668089	568610
გადაფასების რეზერვი				0
საკუთარი კაპიტალის სხვა კომპონენტები				0
სულ საკუთარი კაპიტალი		875364	804249	704770
სულ საკუთარი კაპიტალი და ვალდებულებები		1336525	1190881	1094877
სულ მოკლევადიანი აქტივები		1274433	1114896	1029127
სულ მოკლევადიანი ვალდებულებები		461147	386632	390107

დირექტორი:



/ ზეინაბ ღუდუნიშვილი /
18/09/2023წ.

ფინანსური მენეჯერი:



/ გურამ აკოფაშვილი /
18/09/2023წ.

შპს MB Quest ჯორჯია
ს.კ. 405003954

საქმიანობის შედეგები

საქმიანობის შედეგები	შენიშვნა	31/12/2022	31/12/2021	31/12/2020
ნეტო ამონაგები	12	2294240	2444837	2509011
საქონლის გაყიდვიდან				0
მომსახურების გაწვიდან	12	2294240	2444837	2509011
სამშენებლო ხელშეკრულებებიდან		0	0	0
სხვა		0	0	0
გაყიდვების თვითღირებულება		0	0	0
საწყისი მარაგები		0	0	0
მარაგების შესყიდვა		0	0	0
გადაშვების დანახარჯები		0	0	0
საბოლოო მარაგები		0	0	0
საერთო მოგება		2294240	2444837	2509011
სხვა საოპერაციო შემოსავალი		325	381	3642
დასაქმებულთა ანაზღაურება	13	-2004947	-2105183	-2127537
ცვლელა / ამორტიზაციის ხარჯი	8	-30333	-30550	-28018
საპროცენტო შემოსავალი		1494	1269	1368
საპროცენტო ხარჯი		0	0	0
იჯარის ხარჯი	14	-125168	-137922	-116389
აღმინისტრაციული და სხვა საოპერაციო ხარჯი	15	-84036	-79972	-83321
სულ საოპერაციო ხარჯები		-2242665	-2351977	-2350255
საოპერაციო მოგება		51575	92860	158756

გაუფასურების (ხარჯი) / აღდგენა:


ფინანსური აქტივების გაუფასურების (ხარჯი) / აღდგენა		0	0	0
მარაგების გაუფასურების (ხარჯი) / აღდგენა		0	0	0
სხვა არაფინანსური აქტივების გაუფასურების (ხარჯი) / აღდგენა		0	0	0
წმინდა შემოსულობა / (დანაკარგი) უცხოური ვალუტით ვაჭრობიდან და სავალუტო	16	36330	24218	-35245
სახსრების გადაფასებიდან				
მიღებული დივიდენდები		0	0	0
სხვა არასაოპერაციო შემოსავალი / (ხარჯი)		0	0	0
მოგება / (ზარალი) მოგების გადასახადის ხარჯამდე განგრძობითი ოპერაციებიდან		87905	117078	123511
მოგების გადასახადის ხარჯი		-16790	-17599	-18557
საანგარიშგებო პერიოდის მოგება / ზარალი		71115	99479	104954

სხვა სრული შემოსავალი / (ზარალი):

ძირითადი საშუალებების (მათ შორის, ბიოლოგიური აქტივების) გადაფასების რეზერვი		0	0	0
სხვა (მათ შორის წილი ერთობლივი და მკავშირე საწარმოების უძრავი ქონების		0	0	0
გადაფასების რეზერვი და დადგენილ გადასახდელიანი პროგრამები)				
სხვა სრული შემოსავალი / (ზარალი), სულ:		0	0	0
მთლიანი სრული შემოსავალი / (ზარალი)		71115	99479	104954

საკუთარი კაპიტალი საანგარიშგებო პერიოდის დასაწყისში	804249	704770	599816
ახალი აქციების გამოშვება (შპს-ს შემთხვევაში 'კაპიტალის გაზრდა', კოოპერატივის	0	0	0
შემთხვევაში 'საპაიო კაპიტალის გაზრდა')			
განაწილება მესაკუთრეებზე (მათ შორის დივიდენდი)	0	0	0
სხვა ცვლილებები გაუნაწილებელ მოგებაში	0	0	0
კაპიტალის სხვა ცვლილებები	0	0	0
საკუთარი კაპიტალი საანგარიშგებო პერიოდის ბოლოს	875364	804249	704770

დირექტორი:



/ ზენაბ ღუდუნიშვილი /
18/09/2023წ.

ფინანსური მენეჯერი:

/ გურამ აკოფაშვილი /
18/09/2023წ.

შპს MB Quest ჯორჯია
ს.კ. 405003954

ფულადი სახსრების მოძრაობა

ფულადი სახსრების მოძრაობა	31/12/2022	31/12/2021	31/12/2020
საოპერაციო საქმიანობიდან წარმოქმნილი (საოპერაციო საქმიანობაში გამოყენებული) წმინდა ფულადი ნაკადები	9399	41293	-18768
საინვესტიციო საქმიანობიდან წარმოქმნილი (საინვესტიციო საქმიანობაში გამოყენებული) წმინდა ფულადი ნაკადები	-14946	-39516	-32009
საფინანსო საქმიანობიდან წარმოქმნილი (საფინანსო საქმიანობაში გამოყენებული) წმინდა ფულადი ნაკადები			0
ფულადი სახსრების შემოსვლა (გასვლა)	-5547	1777	-50777
ვალუტის კურსის ცვლილების გავლენა ფულად სახსრებსა და მათ ეკვივალენტებზე	36330	24218	-29376
ფულადი სახსრები და მათი ეკვივალენტები საანგარიშგებო პერიოდის დასაწყისში	40086	14091	94244
ფულადი სახსრები და მათი ეკვივალენტები საანგარიშგებო პერიოდის ბოლოს	70869	40086	14091

დირექტორი:



/ ზეინაბ ღულუნშივილი /
18/09/2023წ.

ფინანსური მენეჯერი:



/ გურამ აკოფაშვილი /
18/09/2023წ.

მენიშვნები 5-13 გვერდებზე წარმოადგენს მოცემული ფინანსური ანგარიშგების განუყოფელ ნაწილს.

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

1. კომპანია და მისი საქმიანობა

შპს MB Quest ჯორჯია-ს (შემდგომში „კომპანია“) დაფუძნებულია 2013 წლის 06 აგვისტოს და ფუნქციონირებს საქართველოს კანონმდებლობის შესაბამისად. კომპანიის ფაქტიური მისამართია - თბილისი, ფალიაშვილის ქ. N83.

კომპანიის შეესებული კაპიტალი არის 136,160 ლარი. კომპანიის დამფუძნებელია შპს MB Quest, აშშ (100%).

კომპანია ახორციელებს კლინიკური კვლევების სფეროში საკონსულტაციო საქმიანობას, კერძოდ, საქართველოში კლინიკური კვლევების ორგანიზებას და ასევე საზღვარგარეთ მიმდინარე კლინიკურ კვლევებთან დაკავშირებულ საკონსულტაციო მომსახურებას.

2. მომზადების საფუძვლები

ზოგადი ინფორმაცია

კომპანიის წინამდებარე ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების საბუთის მიერ გამოცემული ფინანსური ანგარიშგების საერთაშორისო სტანდარტით მცირე და საშუალო საწარმოებისთვის.

ფინანსურ ანგარიშგებაში ყველა თანხა წარმოდგენილია ლარში, თუ სხვა რამე არ არის მითითებული.

ფუნქციონირებადი საწარმოს დაშვება

კომპანიის ხელმძღვანელობამ შეაფასა კომპანიის უნარი გააგრძელოს საქმიანობა, როგორც ფუნქციონირებდნა საწარმომ და დაკმაყოფილდა იმით, რომ მას გააჩნია რესურსები საქმიანობის გასაგრძელებლად. ხელმძღვანელობისთვის უცნობია რაიმე მნიშვნელოვანი გარემოების შესახებ, რამაც შესაძლოა ხელი შეუშალოს ან ეჭვი დაბადოს კომპანიის მიერ საქმიანობის გაგრძელების უნართან დაკავშირებით.

ხელმძღვანელობა მიიჩნევს, რომ კომპანიას არ გააჩნია ფუნქციონირებადობის საფრთხე და საქმიანობა გაგრძელდება ფინანსური ანგარიშგების თარიღიდან მინიმუმ თორმეტი თვის განმავლობაში.

შესაბამისად, ფინანსური ანგარიშგება მომზადებულია ფუნქციონირებადი საწარმოს დაშვების საფუძველზე.

3. სააღრიცხვო პოლიტიკის ძირითადი პრინციპები

ქვემოთ აღწერილი სააღრიცხვო პოლიტიკის ძირითადი პრინციპები, რომელიც გამოყენებულია წინამდებარე ფინანსური ანგარიშგების მომზადებისას, თანმიმდევრულად ვრცელდება ყველა წარდგენილ პერიოდზე, თუ სხვაგვარად არ არის აღნიშნული.

ფუნქციონალური და წარდგენის ვალუტა, უცხოური ვალუტის კონვერტაცია

კომპანიის ფუნქციონალურ და წარდგენის ვალუტას წარმოადგენს საქართველოს ეროვნული ვალუტა - ქართული ლარი (GEL). ოპერაციები უცხოურ ვალუტაში, თავდაპირველად ჩაიწერება ფუნქციონალურ ვალუტაში ოპერაციის დღისთვის საქართველოს ეროვნული ბანკის მიერ განსაზღვრული კურსით. ფინანსური მდგომარეობის ანგარიშგების თარიღისთვის უცხოურ ვალუტაში არსებული ფულადი აქტივები გადაიყვანება ფუნქციონალურ ვალუტაში საქართველოს ეროვნული ბანკის მიერ დადგენილი წლის ბოლოს არსებული კურსით. ანგარიშსწორებისას წარმოქმნილი ყველა საკურსო სხვაობა აისახება მოგება-ზარალის ანგარიშგებაში.

უცხოური ვალუტის მონეტარული ნაშთების კონვერტაციისთვის გამოყენებული გაცვლითი კურსები არის

შემდეგი:

	31 დეკემბერი, 2022	31 დეკემბერი, 2021
1 USD/GEL	2.7020	3.0976

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

საშუალო კურსი წლის განმავლობაში იყო შემდეგი:

	2022	2021
1 USD/GEL	2.9130	3.2306

შეფასების საფუძვლები

ფინანსური ანგარიშგება მომზადდა ისტორიული ღირებულების პრინციპზე დაყრდნობით, გარდა იმ შემთხვევისა, თუ კომპანიის სააღრიცხვო პოლიტიკით სხვა რამ არ არის გათვალისწინებული.

საანგარიშგებო პერიოდი

კომპანიის საანგარიშგებო პერიოდი მოიცავს 1 კალენდარულ წელს: 1 იანვრიდან - 31 დეკემბრის ჩათვლით.

ფინანსური ინსტრუმენტები

ფინანსური ინსტრუმენტი არის ნებისმიერი კონტრაქტი, რომელიც წარმოშობს ფინანსურ აქტივს ერთი კომპანიისთვის და ფინანსურ ვალდებულებას ან კაპიტალის ინსტრუმენტს მეორე კომპანიისთვის.

ფინანსური აქტივების და ფინანსური ვალდებულებების თავდაპირველი აღიარება

კომპანია ფინანსურ აქტივებს და ფინანსურ ვალდებულებებს თავდაპირველად აღიარებს გარიგების ფასით (გარიგების დანახარჯების ჩათვლით, გარდა ისეთი ფინანსური ინსტრუმენტებისა, რომლებიც შემდგომში უნდა შეფასდეს რეალური ღირებულებით მოგებაში ან ზარალში ასახვით), თუ ჩეთანხმება თავისი არსით არ წარმოადგენს ფინანსურ ოპერაციას. თუ შეთანხმება წარმოადგენს ფინანსურ ოპერაციას, კომპანია ფინანსურ აქტივს ან ფინანსურ ვალდებულებას არიარებს მომავალი გადახადებების დისკონტირებული ღირებულებით.

ფინანსური აქტივების და ფინანსური ვალდებულებების შემდგომი აღიარება

ყოველი საანგარიშგებო პერიოდის ბოლოს კომპანია ფინანსურ ინსტრუმენტებს აფასებს შემდეგნაირად:

- სავალეო ინსტრუმენტები, რომლებიც კლასიფიცირდება როგორც მოკლევადიანი აქტივები ან მოკლევადიანი ვალდებულებები ფასდება გადასახდელი ან მისაღები ფულადი სახსრების ან სხვა სახის კომპენსაციის არადისკონტირებული ღირებულებით.
- სესხად კლასიფიცირებული სავალეო ინსტრუმენტები ფასდება ამორტიზებული ღირებულებით ეფექტური საპროცენტო განაკვეთის მეთოდით.

ფინანსური აქტივების გაუფასურება

კომპანია ყოველი საანგარიშგებო პერიოდის ბოლოს განსაზღვრავს, არსებობს თუ არა რაიმე ობიექტური მტკიცებულება იმ ფინანსური აქტივების გაუფასურების, რომლებიც შეფასებულია თვითღირებულებით ან ამორტიზებული ღირებულებით. გაუფასურების შედეგი აღიარდება მოგებაში ან ზარალში.

თუ შემდგომ პერიოდში აქტივის გაუფასურების ზარალის თანხა შემცირდება გაუფასურების აღირების შემდგომ წარმოშობილი მოვლენის შედეგად, კომპანია უკუგაბრუნებით აღადგენს წინა პერიოდებში წარმოშობილ გაუფასურების ზარალს.

ფინანსური აქტივის აღიარების შეწყვეტა

კომპანია წყვეტს ფინანსური აქტივის აღიარებას მხოლოდ იმ შემთხვევაში, როდესაც: ა) ფინანსური აქტივიდან მისაღები ფულადი სახსრების მიღების სახელშეკრულებო უფლებებს ვადა გასდის, ან ფულადი სახსრები მთლიანად უკვე მიღებულია; ბ) ფინანსურ აქტივთან დაკავშირებული ყველა მნიშვნელოვანი რისკი და სარგებელი გადაეცემა სხვა პირს; გ) კომპანია სხვა მხარეს გადასცემს აქტივის კონტროლის უფლებას, რომელსაც ცალმხრივად და დამატებითი შეზღუდვების გარეშე შეუძლია აქტივი მთლიანად გაყიდოს არადაკავშირებულ მხარეზე. კომპანია მოგებაში ან ზარალში აღიარებს დაფარული ან სხვა მხარისთვის გადაცემული ფინანსური აქტივის საბალანსო ღირებულებასა და მიღებულ ანაზღაურებას შორის სხვაობას.

ფინანსური ვალდებულების აღიარების შეწყვეტა

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

კომპანია მხოლოდ იმ შემთხვევაში წყვეტს ფინანსური ვალდებულების აღიარებას, როდესაც ის შესრულდება, ე.ი. როდესაც ხელშეკრულებით განსაზღვრული ვალდებულება დაიფარება, გაუქმდება ან ვადა გაუვა. კომპანია მოგებაში ან ზარალში აღიარებს დაფარული ან სხვა მხარისთვის გადაცემული ფინანსური ვალდებულების საბალანსო ღირებულებასა და გადახდილ კომპენსაციის თანხას შორის სხვაობას.

ფული და ფულის ეკვივალენტები

ფული და ფულის ეკვივალენტები მოიცავს ნაღდ ფულს და ფულს ბანკში და ატარებს ღირებულების ცვლილების უმნიშვნელო რისკს. ფულადი საშუალებები აღირიცხება ამორტიზირებული ღირებულებით ეფექტური საპროცენტო განაკვეთის გამოყენებით. შეზღუდული ნაშთები გამოირიცხება ფულადი საშუალებებისგან ფულადი ნაკადების ანგარიშგების მიზნებისთვის. შეზღუდული ნაშთები, რომელთა გამოყენება არ შეიძლება 12 თვის განმავლობაში ვალდებულებების დასაფარად ან სხვა გაცვლით ტრანზაქციებში, აღიარდება ბალანსზე როგორც სხვა გრძელვადიანი მოვლენები.

შემოსავალი მომხმარებელთან გაფორმებული ხელშეკრულებიდან

კომპანია ამონაგებს აფასებს მიღებული ან მისაღები ანაზღაურების რეალური ღირებულებით, რომლიდანაც გამოქვითულია კომპანიის მიერ გაცემული ყველანაირი ფასდათმობა. კომპანია ამონაგებში რთავს მხოლოდ საკუთარი სახელით მიღებულ ან მისაღებ ეკონომიკური სარგებლის მთლიან თანხას.

იჯარა

კომპანია როგორც მოიჯარე

იჯარა განიმარტება როგორც ხელშეკრულება, რომელიც ითვალისწინებს აქტივის გამოყენების უფლების გადაცემას, იმის მიუხედავად, თუ ამგვარი აქტივის ექსპლოატაციის, ან ტექნიკური მომსახურებისთვის შეიძლება საჭირო გახდეს მეიჯარის მიერ მნიშვნელოვანი მომსახურების გაწევა.

იჯარა კლასიფიცირდება ფინანსურ იჯარად, თუ იგი ითვალისწინებს აქტივის საკუთრებასთან დაკავშირებული ფაქტობრივად ყველა რისკის და ეკონომიკური სარგებლის გადაცემას. იჯარა კლასიფიცირდება ჩვეულებრივ იჯარად, თუ იგი არ ითვალისწინებს აქტივის საკუთრებასთან დაკავშირებული ფაქტობრივად ყველა რისკის და ეკონომიკური სარგებლის გადაცემას.

ჩვეულებრივი იჯარის დროს კომპანია, იჯარის ვადის განმავლობაში, საიჯარო გადასახდელებს აღიარებს ხარჯად, წრფივი მეთოდით.

ძირითადი საშუალებები და არამატერიალური აქტივები

ძირითადი საშუალებები და არამატერიალური აქტივები აღირიცხება მათ თავდაპირველ თვითღირებულებას, გამოკლებული დაგროვილი ცვეთა ან/და გაუფასურების ღირებულებით. ძირითადი საშუალებების და არამატერიალური აქტივების თვითღირებულება შედგება მშენებლობის/შექმნის ხარჯის ან შესყიდვის ფასისგან, მასთან დაკავშირებული იმპორტის გადასახადების, გამოუქვითავი გადასახადების და სხვა პირდაპირი ხარჯების ჩათვლით. ნებისმიერი სავაჭრო ფასდათმობა გამოაკლდება შესყიდვის ან მშენებლობის/შექმნის ფასს.

მცირე შეკეთება-განახლება აღიარდება მოგება/ზარალის ანგარიშგებაში მისი მოხდენისთანავე. ხარჯები დაკავშირებული ძირითადი საშუალებების მნიშვნელოვანი ნაწილის ან კომპონენტების ჩანაცვლებასთან კაპიტალიზირდება და ჩანაცვლებული ნაწილი ჩამოიწერება.

ძირითადი საშუალებების თავდაპირველი აღიარების შემდგომი შეფასებისას კომპანია იყენებს თვითღირებულების მოდელს ისეთი საინვესტიციო ქონების მიმართ, რომლის რეალური ღირებულების საიმედოდ შეფასება შეუძლებელია მიზანშეუწონელი დანახარჯების, ან ძალისხმევების გარეშე. თვითღირებულების მოდელის მიხედვით, ყველა აქტივი წარმოდგენილია საწყისი ღირებულებით, გამოკლებული დაგროვილი ცვეთა და გაუფასურების ზარალი, ასეთის არსებობის შემთხვევაში. ძირითადი

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

საშუალება, რომლის ღირებულების საიმედოდ შეფასება შესაძლებელია, აისახება გადაფასების მოდელის მიხედვით, რეალური ღირებულებით, შემდგომში დაგროვილი ცვეთის და გაუფასურების ზარალის გამოკლებით.

ყოველი საანგარიშგებო პერიოდის ბოლოს მენეჯმენტი აფასებს, არსებობს თუ არა ძირითადი საშუალებების და არამატერიალური აქტივების გაუფასურების რაიმე ნიშნები. თუ გადაფასების შედეგად აქტივის საბალანსო ღირებულება იზრდება, ნამეტი აღიარდება სხვა სრულ შემოსავალში, გროვდება საკუთარი კაპიტალის განყოფილებაში და ეწოდება „გადაფასების ნამეტი“. ამასთან, მოგებაში ან ზარალში აღიარდება გადაფასებიდან მიღებული თანხა იმ ოდენობით, რომლითაც კომპენსირდება იმავე აქტივთან დაკავშირებით, ადრე მოგებაში ან ზარალში აღიარებული გადაფასებით განპირობებული შემცირების თანხა. თუ გადაფასების შედეგად აქტივის საბალანსო ღირებულება მცირდება, შემცირების თანხა მოგებაში ან ზარალში აღიარდება. ამასთან, სხვა სრულ შემოსავალში აღიარდება გადაფასებიდან მიღებული შემცირების თანხა იმ ოდენობით, რა სიდიდის საკრედიტო ნაშთიც არსებობს გადაფასების ნამეტში ამ აქტივთან დაკავშირებით. გადაფასებით განპირობებული შემცირების თანხის ასახვა სხვა სრულ შემოსავალში ამცირებს საკუთარი კაპიტალის განყოფილებაში „გადაფასების ნამეტი“ პოზიციაში დაგროვილ თანხას.

ძირითადი საშუალების და არამატერიალური აქტივების ჩამოწერა/რეალიზაციიდან მისაღები თანხების საბალანსო ღირებულებასთან შედარებით განსაზღვრული სარგებელი და ზარალი აღიარდება მოგება-ზარალში.

ცვეთა და ამორტიზაცია

ცვეთა და ამორტიზაცია გრძელვადიან აქტივებზე გამოითვლება წრფივი მეთოდით, რათა მოხდეს მათი შესყიდვის ხარჯის გადანაწილება თითოეული აქტივის სასარგებლო მომსახურების ვადის განმავლობაში:

აქტივების ჯგუფი	სასარგებლო მომსახურების ვადა
კომპიუტერული ტექნიკა	36-48 თვე
ოფისის აღჭურვილობა	36-60 თვე
ავტო	60 თვე
იჯარით აღებული ქონების კეთილმოწყობა	48-60 თვე (საიჯარო ხელშეკრულების ვადის გათვალისწინებით)
არამატერიალური აქტივები	60 თვე

ძირითადი საშუალებების და არამატერიალური აქტივების მომსახურების პერიოდი გადაიხედება ყოველწლიურად და იცვლება საჭიროების შემთხვევაში.

მოგების გადასახადი

გადასახადები წარმოდგენილია საქართველოს მოქმედი კანონმდებლობის შესაბამისად ან დასკვნის თარიღისთვის ამოქმედებული კანონმდებლობის მიხედვით. მოგების გადასახადი აღიარდება იმ საანგარიშგებო პერიოდში, როდესაც ხდება მესაკუთრეებზე გასანაწილებელი მოგების მიღება.

კაპიტალი

საკუთარი კაპიტალი არის საწარმოს აქტივების ის ნაწილი, რომელიც რჩება ყველა ვალდებულების გამოკლების შემდეგ. საკუთარი კაპიტალი მოიცავს მესაკუთრეების მიერ განხორციელებულ ინვესტიციას (შენატანება), პლუს ამ ინვესტიციის მატება მიღებული კომპანიის მომგებიანი საქმიანობიდან, რომელიც კომპანიაში დარჩა საოპერაციო საქმიანობაში გამოყენების მიზნით, მინუს მესაკუთრეთა ინვესტიციის შემცირება რაც განპირობა არამომგებიანმა ოპერაციებმა და მესაკუთრეებზე განხორციელებულმა განაწილებებმა.

დივიდენდები

დივიდენდების სახით აქტივების განაწილება მესაკუთრეებზე იწვევს საკუთარი კაპიტალის შემცირებას განაწილებული თანხის ოდენობით. დივიდენდები აღიარებულია, როგორც ვალდებულება და გამოაკლდება

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

კაპიტალს ანგარიშგების შედგენის თარიღისათვის მხოლოდ მაშინ, თუ ისინი გამოცხადებულია ანგარიშგების შედგენამდე პერიოდში ან ანგარიშგების შედგენის თარიღით.

შემოსავლისა და ხარჯის აღიარება

შემოსავალი განისაზღვრება კლიენტთან გაფორმებულ ხელშეკრულებაში მითითებული მისაღები ანაზღაურების მიხედვით. კომპანია აღიარებს შემოსავალს, როდესაც მოხდება კლიენტისთვის მომსახურების გაწევა.

შემოსავალი საკონსულტაციო მომსახურებიდან

საკონსულტაციო მომსახურების გაწევით მიღებული შემოსავალი აღიარდება ყოველი კალენდარული თვის ბოლოს, მოცემული თვის განმავლობაში მიწოდებული მომსახურების მოცულობის შესაბამისად. შემოსავალი, რომლებიც დაკავშირებულია კონკრეტულ შესრულებასთან, აღიარებულია შესაბამისი კრიტერიუმების შესრულების შემდეგ.

პერსონალის ხარჯი და მასთან დაკავშირებული შენატანები

ხელფასები, შენატანები საქართველოს საპენსიო სისტემაში, ჯანმრთელობის დაზღვევისთვის გადახდილი ან გადასახდელი პრემია, წლიური შევსებების და ავადმყოფობის ანაზღაურებები, ბონუსები და არაფულადი სარგებლები აღირიცხება იმ წელს, როდესაც მოხდება შესაბამისი სარგებლის მიღება თანამშრომლების მიერ.

4. მნიშვნელოვანი სააღრიცხვო მსჯელობები, დაშვებები და შეფასებები

კომპანია აკეთებს შეფასებებს და დაშვებებს, რომლებიც გავლენას ახდენენ ფინანსურ ანგარიშგებაში ასახულ თანხებზე და აქტივების და ვალდებულებების საბალანსო ღირებულებებზე. შეფასებების და განსჯის მუდმივი შეფასება ხორციელდება და ეფუძნება ხელმძღვანელობის გამოცდილებას და სხვა ფაქტორებს, მათ შორის სამომავლო მოვლენების მოლოდინს, რაც მიჩნეულია, რომ გონივრული იქნება არსებულ გარემოებებში. სააღრიცხვო პოლიტიკის გამოყენებისას შეფასებებთან ერთად ხელმძღვანელობა იყენებს აგრეთვე განსჯას. განსჯა, რომელსაც შეუძლია ყველაზე დიდი გავლენის მოხდენა ფინანსურ ანგარიშგებაში ასახულ თანხებზე და აქტივების და ვალდებულებების საბალანსო ღირებულებებზე მომდევნო ფინანსურ წელს, წარმოდგენილია შემდეგნაირად:

გადასახადები

საქართველოს საგადასახადო კანონმდებლობა ექვემდებარება არაერთმნიშვნელოვან ინტერპრეტაციას. ხელმძღვანელობის მიერ კომპანიის ოპერაციებთან და საქმიანობასთან დაკავშირებული კანონმდებლობისა და ცვლილებების ინტერპრეტაცია შეიძლება შესაბამისმა ორგანოებმა ეჭვქვეშ დააყენონ. შემოწმებისას შეიძლება მოხდეს დამატებითი გადასახდელების, ჯარიმების ან საურავების დარიცხვა. კომპანიის ხელმძღვანელობას მიაჩნია, რომ 2022 წლის 31 დეკემბრის მდგომარეობით მის მიერ შესაბამისი კანონმდებლობის ინტერპრეტაცია ჯეროვანია და რომ კომპანიის საგადასახადო სტატუსი უცვლელი დარჩება.

იჯარის მოქმედების ვადა

როდესაც კომპანიას აქვს იჯარის გაგრძელების არჩევანის უფლება, ხელმძღვანელობა აფასებს, საკმარისად სარწმუნო იქნება თუ არა ამ უფლების გამოყენება. ხელმძღვანელობა ითვალისწინებს ყველა ფაქტს და გარემოებას, მათ შორის წარსულ გამოცდილებას და ნებისმიერ დანახარჯს, რომელიც გაწეული იქნება საიჯარო ქონების შესაცვლელად, თუ ეს უფლება არ იქნება გამოყენებული, რაც მათ დაეხმარება იჯარით აღებული ქონების კეთილმოწყობის სასარგებლო მომსახურების ვადის განსასაზღვრად. ხელმძღვანელობა თვლის რომ მათი შეფასება იჯარის მოქმედების ვადასთან და მის შესაძლო გაგრძელებასთან დაკავშირებით ადეკვატურია.

ოპერაციები დაკავშირებულ მხარეებთან

კომპანიის ბიზნესის ჩვეულებრივი მიმდინარეობისას კომპანია შესაძლოა დადოს გარიგებები დაკავშირებულ მხარეებთან. კომპანია ახდენს ფინანსური ინსტრუმენტების საწყის აღიარებას, მათ სამართლიან ღირებულებაზე დაყრდნობით. გადაწყვეტილება გამოიყენება იმის დასადგენად, გარიგება შეფასებულია საბაზრო თუ არასაბაზრო ფასებით, როდესაც არ არის აქტიური ბაზარი ამგვარი გარიგებისათვის. გადაწყვეტილების საფუძველი არის მსგავსი ტიპის გარიგებების ფასდადება არადაკავშირებულ მხარეებთან.

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

ძირითადი საშუალებების და არამატერიალური აქტივების საექსპლუატაციო ვადები

კომპანიამ იმსჯელა ძირითადი საშუალებებისა და არამატერიალური აქტივების საექსპლუატაციო ვადების დადგენაზე, იმ ფაქტორების გათვალისწინებით, როგორიცაა ტექნიკური ან კომერციული დაძველება, აქტივების მოსალოდნელი გამოყენება, იჯარის მოქმედების ვადა და მისი გაგრძელების შესაძლებლობა. მიუხედავად იმისა, რომ მენეჯმენტმა განახორციელა თავისი საუკეთესო შეფასებები აქტივებში განთავსებული სამომავლო ეკონომიკური სარგებლის მოხმარების სტრუქტურის შესაქმნელად, იგი შესაძლოა არსებითად განსხვავდებოდეს ფაქტობრივი შედეგებიდან, რამაც შესაძლოა არსებითი გავლენა იქონიოს ფინანსურ ანგარიშში მოყვანილ ციფრებზე.

5. ფულადი სახსრები და მათი ეკვივალენტები

ფული და ფულის ეკვივალენტები 2020, 2021 და 2022 წლების 31 დეკემბრის მდგომარეობით წარმოდგენილია შემდეგნაირად:

	31 დეკემბერი, 2022	31 დეკემბერი, 2021	31 დეკემბერი, 2020
ეროვნული ვალუტა რეზიდენტ ბანკში	70,849	9,087	14,058
უცხოური ვალუტა რეზიდენტ ბანკში	8	30,987	21
ეროვნული ვალუტა საღაროში	12	12	12
სულ ფული და ფულის ეკვივალენტები	70,869	40,086	14,091

ნაღდი ფულის ნაშთი საბანკო ანგარიშებზე კლასიფიცირებულია როგორც არასარიცხო და ექვემდებარება ღირებულების შეცვლის უმნიშვნელო რისკს.

6. სავაჭრო და სხვა მოთხოვნები

სავაჭრო და სხვა მოთხოვნები 2020, 2021 და 2022 წლის 31 დეკემბრის მდგომარეობით წარმოდგენილია შემდეგნაირად:

	31 დეკემბერი, 2022	31 დეკემბერი, 2021	31 დეკემბერი, 2020
დებიტორული დავალიანება არარეზიდენტი იურიდიული პირი კლიენტების მიმართ	1,188,594	1,062,661	1,001,550
სულ სავაჭრო და სხვა მოთხოვნები	1,188,594	1,062,661	1,001,550

7. სხვა პირებზე ავანსებად და სესხებად გაცემული ფულადი სახსრები

სხვა პირებზე ავანსებად და სესხებად გაცემული ფულადი სახსრები 2020, 2021 და 2022 წლის 31 დეკემბრის მდგომარეობით წარმოდგენილია შემდეგნაირად:

	31 დეკემბერი, 2022	31 დეკემბერი, 2021	31 დეკემბერი, 2020
ოფისის იჯარისთვის გადახდილი ავანსი	8,527	8,527	8,527
ავანსად გადახდილი სადაზღვევო პრემია	1,136	1,085	1,036
კომპიუტერული ტექნიკის შეძენაზე გადახდილი ავანსი	628	1,089	2,766
სხვა ავანსები	1,233	1,429	1,088
სულ სავაჭრო და სხვა მოთხოვნები	11,524	12,130	13,417

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

8. ძირითადი საშუალებები

ძირითადი საშუალებები 2020, 2021 და 2022 წლების 31 დეკემბრის მდგომარეობით წარმოდგენილია შემდეგნაირად:

საბალანსო ღირებულება	კომპიუტერული ტექნიკა	ავეჯი და ოფისის აღჭურვილობა	იჯარით აღებული ქონების კეთილმოწყობა	სულ
31 დეკემბერი 2020	56,501	56,408	8,861	121,771
შეძენა	40,395	390	-	40,785
ჩამოწერა	(22,646)	(5,484)	-	(28,130)
31 დეკემბერი 2021	74,250	51,314	8,861	134,426
შეძენა	16,440	-	-	16,440
ჩამოწერა	(12,745)	(8,380)	(8,861)	(29,986)
31 დეკემბერი 2022	77,945	42,934	-	120,879

აკუმულირებული ცვეთა	კომპიუტერული ტექნიკა	ავეჯი და ოფისის აღჭურვილობა	იჯარით აღებული ქონების კეთილმოწყობა	სულ
31 დეკემბერი, 2020	27,446	22,704	5,869	56,020
ცვეთა წლის მანძილზე	18,294	10,484	1,772	30,550
ჩამოწერა	(22,646)	(5,484)	-	(28,130)
31 დეკემბერი, 2021	23,094	27,705	7,641	58,440
ცვეთა წლის მანძილზე	19,571	9,542	1,220	30,333
ჩამოწერა	(12,745)	(8,380)	(8,861)	(29,986)
31 დეკემბერი, 2022	29,920	28,867	-	58,787

წმინდა საბალანსო ღირებულება				
31 დეკემბერი, 2021	51,156	23,610	1,220	75,985
31 დეკემბერი, 2022	48,025	14,067	-	62,092

9. ანარიცხები და ვალდებულებები თანამშრომლების მიმართ

ანარიცხები და ვალდებულებები თანამშრომლების მიმართ 2020, 2021 და 2022 წლის 31 დეკემბრის მდგომარეობით წარმოდგენილია შემდეგნაირად:

	31 დეკემბერი, 2022	31 დეკემბერი, 2021	31 დეკემბერი, 2020
დარიცხული (გამოუყენებელი) საშვებულებო ანაზღაურება	368,720	310,983	332,221
სულ ანარიცხები და ვალდებულებები თანამშრომლების მიმართ	368,720	310,983	332,221

10. სხვა ვალდებულებები

სხვა ვალდებულებები ძირითადად მოიცავს მოგების გადასახადის ვალდებულებას, რომლის გადახდის ვადა საანგარიშგებო პერიოდში არ დამდგარა.

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

11. კაპიტალი

საკუთარი კაპიტალი და გაუნაწილებელი მოგება 2020, 2021 და 2022 წლების 31 დეკემბრის მდგომარეობით წარმოდგენილია შემდეგნაირად:

	31 დეკემბერი, 2022	31 დეკემბერი, 2020	31 დეკემბერი, 2019
დამფუძნებლის მიერ შევსებული კაპიტალი	136,160	136,160	136,160
გაუნაწილებელი მოგება	739,204	668,089	568,610
სულ კაპიტალი	875,364	804,249	704,770

გაუნაწილებელი მოგება წარმოადგენს კომპანიის საკუთრებაში დარჩენილი წმინდა მოგების ნაწილს, რომელიც გაუნაწილებელია.

კომპანიას დივიდენდები არ გამოუცხადებია 2020, 2021 და 2022 წლების განმავლობაში.

12. ნეტო ამონაგები მომსახურების გაწევიდან

კომპანია ახორციელებს კლინიკური კვლევების ორგანიზებასთან დაკავშირებულ საკონსულტაციო საქმიანობას, რომლის ფარგლებშიც გამოიმუშავებს შემოსავალს გაწეული მომსახურებიდან. ნეტო ამონაგებმა კლიენტებისთვის გაწეული მომსახურებიდან 2022 წელს შეადგინა 2,294,240 ლარი, ხოლო 2021 წელს 2,444,837 ლარი.

13. დასაქმებულთა ანაზღაურება

დასაქმებულთა ანაზღაურება 2021 და 2022 წლების 31 დეკემბერს დასრულებული წლისთვის წარმოდგენილია შემდეგნაირად:

	2022	2021
ხელფასები და პრემიები	1,771,743	1,932,354
თანამშრომლებზე გაწეული სხვა ხარჯები (ბენეფიტები)	28,218	35,461
საშვებულებო ანაზღაურება	204,986	137,368
სულ დასაქმებულთა ანაზღაურება	2,004,947	2,105,183

14. იჯარის ხარჯი

კომპანიას იჯარით აღებული აქვს საოფისე ფართი მისამართზე თბილისი, ფალიაშვილის ქ. N83. საიჯარო ხელშეკრულება ძალაშია 2027 წლის 14 აგვისტოს ჩათვლით. საიჯარო ქირამ 2022 წელს შეადგინა 125,168 ლარი, ხოლო 2021 წელს 137,922 ლარი. 2022 წელს შედარებით დაბალი საიჯარო ქირა ძირითადად განაპირობა აშშ დოლარის მიმართ ლარის გამყარებამ, იჯარით აღებული ფართის შემცირებამ და განახლებულ იჯარის ხელშეკრულებაში კომუნალური მომსახურების საფასურის საიჯარო ქირიდან განცალკევებულ ხარჯად დაფიქსირება.

შპს MB Quest ჯორჯია

ფინანსური ანგარიშების განმარტებითი შენიშვნები
2022 წლის 31 დეკემბერს დასრულებული წლისთვის
(ქართულ ლარში)

15. ადმინისტრაციული და სხვა საოპერაციო ხარჯი

ზოგადი და ადმინისტრაციული ხარჯები 2021 და 2022 წლების 31 დეკემბერს დასრულებული წლისთვის წარმოდგენილია შემდეგნაირად:

	2022	2021
საკონსულტაციო ხარჯები	22,433.92	22,226.19
ინვენტარზე და ოფისის მოვლაზე გაწეული ხარჯები	14,035.40	13,393.79
კომუნიკაციის ხარჯები	22,386.60	23,667.02
ოფისის დაცვის ხარჯი	960.00	1,240.00
ქონების და პასუხისმგებლობის დაზღვევა	1,671.30	1,603.64
სამივლინებო ხარჯი	119.54	301.44
ქონების გადასახადი	715.13	708.00
ბანკის მომსახურების ხარჯები	4,800.41	2,060.32
კომუნალური მომსახურება	5,884.74	-
სხვა ხარჯები	11,029.24	14,770.60
სულ ადმინისტრაციული და სხვა საოპერაციო ხარჯები	84,036	79,971

16. მოგება/(ზარალი) კურსთაშორისი სხვაობიდან, წმინდა

კურსთაშორისი სხვაობიდან მოგება/(ზარალი) 2021 და 2022 წლების 31 დეკემბერს დასრულებული წლისთვის წარმოდგენილია შემდეგნაირად:

	2022	2021
საკურსო მოგება	138,705	86,690
საკურსო ზარალი	(102,375)	(62,472)
სულ მოგება/(ზარალი) კურსთაშორისი სხვაობიდან, წმინდა	36,330	24,218

17. საანგარიშგებო პერიოდის შემდეგ მომხდარი მოვლენები

ეს ფინანსური ანგარიშგება დამტკიცდა გამოსაშვებად კომპანიის ხელმძღვანელობის მიერ 2023 წლის 18 სექტემბერს.

საანგარიშგებო პერიოდის შემდეგ ადგილი არ ჰქონია მოვლენებს, რომლებიც საჭიროებს ფინანსური ანგარიშგების შესწორებას ან/და განმარტებით შენიშვნებში ასახვას.